



序

中憲大夫河南糧鹽道前知河南府事武岡劉文徽纂

余嘗謂文章與政治相表裏而志乘尤爲政之書俗吏動以簿書鞅掌爲辭未能徵文考獻故其政僅刀筆筐篋之務而不知體要乾隆甲辰由戶部尙書郎奉

命出守東都公餘繙各邑志乘大都纂在乙丑丙寅間迄今且四十餘年

聖朝德政之隆人材之盛風化之醇日增於昔宜補輯以

鞏縣志

序

一

昭茲來許况鞏舊志尤多紕謬體例則淆亂無章証據則牽援失實混河濟伊洛爲鞏水強孟郊盧仝爲鞏人至俚諺雜陳諛美過當較他志爲甚遭逢

右文之世蓬觀石渠廣蒐掌故司茲土者仍循固陋何以上應采擇爰與諸明府課政之暇輒以補輯相勗越三年登封偃師志次第告成而鞏兩易其任適滇南李君來濬河役畢遂以修志與邑薦紳謀僉愉快集事延湘南張紫峴主筆諸薦紳各以採訪事實上孫孝廉枝榮考古尤有據於是取舊志鉅其荒類補其漏正其譌舛本史水經注而發明之事

則徵信語則雅馴四十餘年文獻朗若列眉儼爲鞏志創始之書焉是舉也俾後人觀之者有所憑以爲振作續之者有所遵以爲編次更無事廣稽遠引之勞李君之功非淺尠也不寧惟是鞏爲子華子挺生之鄉淵源逋衍名臣文彥代有偉人自茲以後諸薦紳覽前哲之芳躅各規撫其子弟尹司農蔡侍郎之輩接踵而起以仰副

聖天子壽考作人之化其砥行礪節者得廁名貞珉之未轉相則倣媲美二南則斯志之成非徒爲文章觀美也其所以移風易俗裨益政治者詎不大與稿成適

鞏縣志

序

二

余蒙

恩晉河南糧監觀察李君以序請喜而弁諸簡端乾隆己酉蘭秋書於大梁守署

序

鞏邑志不知椎輪所始

國朝順治初年修之者張君好奇也康熙三十年修之者顏君光昌也五十一年修之者多君時奇也其本皆散佚乾隆十年邱君軒昂續修之今又四十三年矣述武以丙午孟冬承乏是邑首謁郡伯今陞糧鹽觀察都梁劉公公語述武曰志者爲政之書也鞏舊志體例蕪雜文不雅馴焉足備輶軒採擇且四十餘年來令甲之昭垂

之疊沛及孝義節烈所當舉善而教者不可任其載缺如子盍謀新之述武歸繙舊志惕然久之蓋彼時官署篋衍携書既少且限於聞見未能悉心搜討以故紕類叢出因思洛汭爲圖書所出之地况鞏得邑在春秋時光岳屢分疊遭兵燹紀載半已蕩爲雲烟幸有存者又復踏駁支離援引失實更千百年後沿譌襲謬何以爲網羅者據是非官斯土者之責而誰責乎旋有濬河之役未遑也倥偬稍定乃謀重新焉聞施太守修郡志時邑孝廉孫君子陽分輯山川古蹟金石博采羣書最稱綜核幸文獻之

徵也與商之更廣集諸紳於咸踴盛事迺  
告於觀察公延湘潭張紫府開局城南公廡  
與孫君及衆薦紳慎加編輯大據施郡志爲  
根諸經史佐以紀傳自夏伯封國以來邑之大事及  
山川古蹟等類璘璘編編罔不綜載職官選舉舊志  
漏者補之誤者芟之人物一門頗倍於昔用彰  
聖天子以道化成之治而激勸微意亦寓於斯體衷諸  
論協諸公無疵無漏可爲一邑完書矣述武不  
諸君子補訂之密搜訪之勤得免譏固陋懷蓄  
素之餘忻幸爲何如也是役也起己酉孟夏斷

鞏縣志

序

四

夏劄劂成述其顛末於卷首非敢謂可副蓬觀羅  
竊爲後之續纂者導夫先路云爾皆乾隆己酉

夏書

他志序後有凡例茲散見各類小序中以  
云

鞏縣志題名

訂

周作洵 邑教諭

較閱

王 彬 邑典史

採輯

焦鶴年 舉人

孫枝榮 舉人

劉文英 原任新鄉教諭

于建章 舉人

鞏縣志

第一冊

題名

一

馬敷錫 舉人

劉裕新 舉人

張耀南 舉人

康 誥 舉人

曹肅諭 舉人

張嵩木 拔貢生

張 燮 貢生

杜景星 廩生

焦萬年 廩生

閻作肅 廩生

校勘

張棫榮

牛會辰 廩生

謝錫嘏 例貢生

趙黃甲 庠生

張永亨 監生

劉紹鑑 監生

孫一鳴 廩生

李廷珍 庠生

監梓

鞏縣志

第一冊

題名

一一

趙聯甲 監生

鞏縣志目

卷首

恭紀

聖製

第一卷

輿圖志

第二卷

地理志

星野沿革疆域形勢附

第三卷

建置志

城池公署倉廩驛遞舖舍附  
兵防保里鎮集街巷津梁

鞏縣志

第一冊目

一

坊表堤防  
郵政

第四卷

山川志

第五卷

祀典志

壇廟宋陵

第六卷

風俗志

第七卷

物產志

第八卷



賦役志 田賦 戶口 貯 鹽引 蠲免

第九卷

學校志 書院附

第十卷

職官志 知縣 縣丞 主簿 典史  
教諭 訓導 武職

第十一卷

職官志 名宦

第十二卷

選舉志 薦辟 進士 舉人 貢生 例貢 監附  
武進士 武舉 武勲 封贈  
鄉飲農官壽官附

鞏縣志

第一冊 目

第十三卷

人物志上 儒林 名臣 政績  
武功 忠節 孝義

第十四卷

人物志下 流寓 列女

第十五卷

古蹟志上 邑城 宮殿 臺室 亭館 附宅 里  
書院 溝渠 陂池 並載 倉場 鄉務 附村 聚  
屯堡 道路 驛遞 附 津渡  
橋梁 壇廟

第十六卷

古蹟志下 陵墓 寺觀

第十七卷

金石志

第十八卷

藝文志上  
文

第十九卷

藝文志下  
賦  
詩

第二十卷

祥異志

鞏縣志

第一冊  
目

三

目終

鞏縣志卷首

鞏縣知縣李述武纂修

恭紀

聖製

順治八年

世祖章皇帝親政祭告宋太祖陵文

追維明德奉天撫民盛德宏勳萬世永賴陵寢所在英爽  
如存茲特遣使賫捧香帛祇命致祭惟帝鑒歆

太宗真宗仁宗陵文同上

康熙元年

鞏縣志

第一冊

卷首

一

聖祖仁皇帝登極祭告宋太祖陵文

自古歷代帝王繼天立極功德並隆治統道統昭 萬世

朕受

天眷命紹纘丕基庾政方親前徽是景明禋大典亟宜肇  
修敬遣專官代將牲帛爰昭殷薦之忱聿脩欽崇之禮伏  
惟格歆尚其鑒饗

太宗真宗仁宗陵文同上

康熙七年

皇帝親政祭告宋太祖太宗真宗仁宗四陵文同上

康熙十五年

皇帝建儲祭告宋太祖陵文

自古歷代帝王繼天立極功德並隆治統道統昭垂宇宙  
朕受天眷命撫御鴻圖懋建元儲前徽是景明禋大典亟  
宜舉行敬遣專官代將牲帛爰昭殷薦之忱聿脩欽崇之  
禮伏惟格歆尙其鑒饗

太宗真宗仁宗陵文同上

康熙二十一年

聖祖仁皇帝以疆宇蕩平祭告宋太祖陵文

自古帝王受天顯命繼道統而新治統聖賢代起先後一  
揆成功盛德炳如日星朕誕膺眷祐臨制萬方掃滅兗殘  
廓清區宇告功古后殷禮肇稱敬遣專官代將牲帛爰修  
禋祀之誠用展景行之志仰企明靈尙其鑒饗

太宗真宗仁宗陵文同上

康熙二十七年

孝莊文皇后祔廟祭告宗太祖陵文

自古帝王受天明命御歷膺圖時代雖殊而繼治同道後  
先一揆朕承眷祐臨制萬方稽古禮文肅修祀事茲以  
皇祖妣孝莊仁宣誠憲恭懿翊天啓聖文皇后神主升祔  
太廟禮成特遣專官代將牲帛虔修禋祀之典用抒景行之  
忱仰冀明靈鑒茲誠悃

太宗真宗仁宗陵文同上

康熙三十六年

聖祖仁皇帝以塞北永清祭告宋太祖陵文

自古帝王受天景命制治綏猷必禁暴除殘以乂安黎庶  
緬懷徃烈道實同符朕欽承

帝祉臨御九圍茲以狡寇跳梁親征漠北蕩滌寇氛廓清邊  
徼永清兵革以與普天率土樂育太和敬遣專官代將玉  
帛昭告古先哲后虔修禋祀式彰安攘之模用展景行之  
志仰企明靈俯垂鑒饗

太宗真宗仁宗陵文同上

鞏縣志

第一冊

卷首

三

康熙四十二年

萬壽五旬祭告宋太祖陵文

自古帝王繼天立極出震乘乾莫不道洽寰區仁周遐邇  
朕欽承丕基撫馭兆民思致時雍常殷惕厲歷茲四十餘  
載今歲適屆五旬宵旰兢兢無敢暇逸漸致民生康阜世  
運昇平頃因黃淮告成親行巡歷再授方畧善後是期觀  
民志之歡欣滋朕心之軫恤遄回鑾馭大沛恩膏用遣專  
官敬修祀典默贊郅隆之治益宏仁壽之休尚鑒精忱俯  
垂昭格

太宗真宗仁宗陵文同上

康熙四十八年

聖祖仁皇帝復儲祭告宋太祖陵文

朕維自古帝王正位臨民代有令德是以享祀千秋用昭  
鉅典朕仰荷

天庥撫臨海宇建立元良歷三十餘載不意忽見暴戾狂易  
之疾深維

宗洪業及萬邦民生所係至重不得已而有退廢之舉嗣  
後漸次體驗當有此事時性生奸惡之徒各庇邪黨借  
端構釁朕覺其日後必成亂階隨不時究察窮極始末因  
而確知病原皆由鎮厭所致亟爲除治幸賴

鞏縣志

第一冊

卷首

四

上天鑒佑平復如初朕比因此事耗損心神致成劇疾皇太  
子晨夕左右憂形於色藥餌必親寢膳必視惟誠惟謹歷  
久不渝令德益彰丕基克荷用是復正儲位永固國本特  
遣專官用申殷薦尙祈歆格

太宗真宗仁宗陵文同上

康熙五十二年

萬壽六旬祭告宋太祖陵文

自古帝王繼天出治建極綏猷莫不澤被生民仁周寰宇  
朕躬膺寶歷仰紹前徽夙夜孜孜不遑暇逸茲御極五十  
餘年適當六旬初屆所幸四方寧謐百姓乂和稼穡歲登

風雨時若維徵黎庶之協應爰妥羣祀之虔修特遣專官  
式循舊典奠益贊雍熙之運尚永貽仁壽之休俯鑒精忱  
用垂歆格

太宗真宗仁宗陵文同上

康熙五十八年

孝惠皇后祔廟祭告宋太祖陵文

自古帝王受天景命建極綏猷垂萬世之經常備一朝之  
典禮朕欽承帝祉臨御九圍夙夜惟寅敬將祀典茲以  
皇妣孝惠仁憲端懿純德順天翼聖章皇后神主开祔  
太廟禮成特遣專官代將牲帛用展苾芬之敬聿昭禋祀之

鞏縣志

第一册

卷首

五

虔仰奠明靈尚其歆饗

太宗真宗仁宗陵文同上

雍正元年

世宗憲皇帝登極祭告宋太祖陵文

自古帝王繼天出治建極綏猷莫不澤被生民仁周海宇  
惟我

皇考峻德鴻勳媲美前古顯謨承烈垂裕後昆朕以渺躬纘  
膺大寶當茲嗣位之始宜修享祀之儀特遣專官虔申昭  
告惟冀時和歲稔物阜民安淳風遍洽乎寰區厚德常敷  
於率土尚其歆格鑒我精誠

太宗真宗仁宗陵文同上

雍正二年

聖祖仁皇帝配享禮成祭告宋太祖陵文

自古帝王體天立極表正萬邦愷澤遍於寰區仁風及於奕禩丕承大統遙契曩徽茲於雍正元年十一月二十五日恭奉

聖祖合天弘運文武睿哲恭儉寬裕孝敬誠信功德大成仁皇帝主配享園邱禮成特遣專官虔申昭告惟冀永贊和之治益昭安阜之庥鑒此精誠尙其歆格

太宗真宗仁宗陵文同上

鞏縣志

第一冊

卷首

六

乾隆元年

皇帝登極祭告宋太祖陵文

禮崇典祀光俎豆於前徽念切景行薦馨香於徃哲皇繼天建極撫世誠民豐功焜燿於簡編駿烈昭垂於宇宙溯典型於在昔凜法監之常存朕以藐躬繼登大寶屬膺圖之伊始宜展祀以告虔特遣專官祇遵彝典苾芬在列脩三獻之隆儀靈爽式憑仰千秋之明德尙其歆格永錫鴻禧

太宗真宗仁宗陵文同上

乾隆二年



世宗憲皇帝配享禮成祭告宋太祖陵文

自古帝王憲天出治建極綏猷德澤洽於萬方軌範昭於  
百世朕纂承鴻緒景仰前徽茲於乾隆二年四月十六日  
恭奉

世宗敬天昌運建中表正文武英明寬仁信毅大孝至誠  
憲皇帝主配饗園邱禮成特遣專官虔申昭告維冀永佑雍  
熙之盛益昭安阜之隆庥鑒精誠尙其歆格

太宗真宗仁宗陵文同上

乾隆十四年

中宮攝位

鞏縣志

第一冊

卷首

七

慈寧晉號祭告宋太祖陵文

惟帝王繼天建極撫世綏猷教孝莫先於事親治內必兼  
於安外典型在望緬懷至德要道之歸景慕惟殷心希武  
烈文謨之盛茲以邊徼敕寧

中宮攝位

慈寧晉號慶洽神人敬遣專官用申殷薦仰惟歆格永錫鴻  
禧

太宗真宗仁宗陵文同上

乾隆十七年

皇太后六旬萬壽祭告宋太祖陵文

惟帝王憲天作極受錄承庥教孝莫先於事親歛福用  
乎繼治是彝是訓緬維至德要道之歸壽國壽人允懷錫  
類推恩之盛茲以

慈寧萬壽懋舉鴻儀敬晉

徽稱神人慶洽爰申殷薦特遣專官冀鑒茲忱永綏多福

太宗真宗仁宗陵文同上

乾隆二十年

平定準噶爾大功告成上

皇太后徽號祭告宋太祖陵文

惟帝建極乘時綏猷馭世制臨無外德威之服遠者神教

鞏縣志

第一冊

卷首

八

化有原孝道以尊親爲大景典型於在昔寔天經地義之  
丕昭宏佑啟於方來惟文治武功之交凜茲以平定準噶  
爾大功告成加上

皇太后徽號神人洽慶中外蒙庥敬遣專官用申禋祀伏惟

鑒格

太宗真宗仁宗陵文同上

乾隆二十四年

蕩平回部祭告宋太祖陵文

惟帝王建極綏猷經文緯武誕敷德教仁義備其漸

詰戎兵聲靈彰其 惟恩威之兼濟先後道本

命之昭垂古今功歸一軌茲以西師克捷回部蕩平緬  
駿烈於前型敷奏其勇遠徂征於絕域遙觀厥成中外騰  
歡神人協慶專官肅祀昭鑒惟歆

太宗真宗仁宗陵文同上

乾隆二十七年

皇太后七旬萬壽祭告宋太祖陵文

惟帝王本仁祖義明物察倫修人紀以綏猷則天經而立  
極緬羨墻其可接先後攸同奉俎豆以常新楷模斯在茲  
以

慈闈萬壽懋舉鴻儀敬晉

鞏縣志

第一冊

卷首

九

徽稱神人慶洽展尊親之義思克紹夫前型廣錫類之仁期  
水綏夫後祿爰申祀告式薦馨香尙鑒愀忱俾膺多福

太宗真宗仁宗陵文同上

乾隆三十七年

太后八旬萬壽祭告宋太祖陵文

惟帝王體元則大撫世誠民勳被寰區德昭徃古羹墻匪  
隔累朝之統緒相承俎豆維新百代之英靈如在茲以  
慈闈萬壽懋舉鴻儀敬晉

徽稱神人洽慶孝道以尊親爲大式仰前型

母儀之錫類者宏永綏厚福爰章載舉祀典斯崇布盼蠻以

虔庶靈明之來格

太宗真宗仁宗陵文同上

乾隆四十一年

平定金川祭告宋太祖陵文

惟帝德洽恩威義嚴彰瘡鋤奸禁暴昭命討之無私輯  
遠綏荒振聲靈之有赫茲以兩金川大功全蕝逆黨咸  
俘殄遺孽於番陬戢武協求寧之志緬豐功於前代慶  
成覘耆定之庥特遣專官肅將禋祀惟冀鑒歆

太宗真宗仁宗陵文同上

乾隆四十五年

鞏縣志

第一冊

卷首

十

萬壽七旬祭告宋太祖陵文

惟帝體元贊化建極綏猷澤被生民勲垂奕世簡編明  
備累朝之治法相傳弓劍留藏千載之英靈如在茲以  
朕七旬展慶九有臚歡懋舉崇儀特申昭告緬當口之  
膺圖受籙每深景仰之忱撫此時之集嘏凝禧彌切祇  
寅之念冀佑郅隆之運永貽仁壽之庥式薦精禋惟祈

鑒格

太宗真宗仁宗陵文同上

乾隆五十年

皇帝御極五十年祭告宋太祖陵文

曰惟帝體元贊化建極綏猷澤被生民勲垂奕世簡  
明脩累朝之治法相傳弓劍留藏千載之英靈如在茲  
當鴻圖錫羨鳳紀增綿懋舉崇儀特申昭告緬當日之  
膺圖受籙每深景仰之忱撫此時之集嘏凝禧彌切祇  
寅之念奠佑郅隆之運永貽仁壽之庥式薦精禋惟祈  
鑒格

太宗真宗仁宗陵文同上

